

Panangeksamen ken Panangagas iti Saan nga Aktibo a Sarut (TB)

Agpatingga iti 13 a milion a tattao iti Estados Unidos ti mabalin nga addaan iti saan nga aktibo a TB (maawagan met kas latent nga impeksion ti TB). No awan ti panagagas, 1 kadagiti 10 a tattao nga addaan iti saan nga aktibo a TB ti agsakitto iti aktibo a sakit a TB, ken maiwarasda ti TB iti dadduma babaen iti angin.

Makatulongka a manglapped iti panagwaras ti TB.

1 Panunoten Addanak kadi ti peggad para iti impeksion ti TB?

Kapatangmo ti mangipapaay ti pannaripato ti salun-atmo maipanggep iti panagpaeksamen no sika ket:

naiyanak kadagiti wenko masansan a mapan kadagiti pagilian no sadino a kadawyan ti kaso ti TB, agraman dagiti adda iti Asia, Africa ken Latin America



agnanaed wenko nagnaed idi kadagiti situasion a pakasarakan ti dadakkel a grupo no sadino a kadawyan ti kaso ti TB, kas kadagiti pagdagusan dagiti awan pagtaenganna, preso, wenko karsel



nakilangen iti nabiit pay a tiempo iti maysa a tao nga addaan iti sakit nga aktibo a TB



nakapsut ti resistensia ti bagi gapu iti sumagmamano nga ag-agas wenko kondision ti salun-at kas iti diabetes, kanser, ken HIV



Uray dagiti tattao a nakaawat iti bakuna iti TB, a maaw-awagan met kas bacille Calmette-Guérin (BCG) a bakuna, ket nasken a maeksamen gapu ta kumapsut ti bakuna iti panaglabas ti tiempo.



agtrab-trabaho kadagiti luglugar nga addaan iti nangato a panagiinnakar ti TB, kas kadagiti ospital, pagdagusan dagiti awan pagtaenganna, pasilidad ti pagbaludan, ken dagiti balay ti taripato

2 Eksamenen

Ania nga eksamen iti TB ti masapulko?

Adda dua a kita dagiti eksamen para iti impeksion ti TB: **ti eksamen ti dara para iti TB ken ti eksamen ti kudil para iti TB.** Ad-adu ti mayat kadagiti eksamen ti dara para iti TB kas wagas a pangeksamen iti TB para kadagiti tattao a nakaawat iti bakuna iti TB (BCG). Nasken a pagpatangan dagiti mangipapaay ti pannaripato ti salun-at ken dagiti pasiente no ania nga eksamen ti kasayaatan.



3 Agasan

Ania dagiti pagpiliak a panagagas?

Ti panangagas iti saan nga aktibo a TB ti kasayaatan a wagas tapno masaluadanka manipud iti aktibo a sakit a TB. No mabalin, irekomendar ti CDC ti panagusar iti apagbiit ken nanam-ay a **3 wenko 4 a bulan a panagagas iti rifamycin** para iti saan nga aktibo a TB.

